

Kommunit kattunnerisa kingorna Naalakkersuisut malitseqartitsillutik aaqqissuusseqqissinnaanissamut UKA2017-mut sinaakktissanik tunngavigisassanillu nassuiaasioqqullugit Inatsisartut aalajangiiffissaattut siunnersuut.

(Inatsisartunut ilaasortaq, Bent B. Kristiansen, Inuit Ataqtigiit)

Akissuteqaat

(Kommunit, Nunaqarfinnut, Isorliunerusunut, Attaveqaqtigiinnermut Ineqarnermullu Naalakkersuisoq)

Aappassaaneerinnineq

Aalajangiiffisassatut siunnersuut sularineqarneranut atatillugu Inatsisinut Ataatsimiititaliap sukumiisumik sulineranut Naalakkersuisut sinnerlugit qujassutigiumavara.

Inatsisinut ataatsimiititaliaq isumaliutissiisummik maanna saqqummiussereersimapput, tassanilu ataatsimiititaliami Siumut Inuit Ataqtigiillu amerlanerussuteqarlutik allannguutissatut siunnersuut imaattoq saqqummiuppaat:

Kommunini aaqqissuussaanikkut, ingerlatsinikkut, innuttaasut qanimut oqartussaaqataanerisigut, kulturikkut, inuussutissarsiornikkut, aningaasaqarnikkullu atugarisat pillugit Naalakkersuisut UKA2017-imut saqqummiusseqqullugit Inatsisartut aalajangiiffisassaattut siunnersuut.

Allannguutissatut siunnersuut Naalakkersuisut taperserpaat.

Taamak oqaaseqarlutik Naalakkersuisut allannguutissatut siunnersuut saqqummiunneqartoq akuerineqarnissaa inassutigaat.